

آبونه شماره اٹلی

ممالك عثمانیه ده سنه لکی (۶۵)، آلتی
آیلنی (۳۵) غروشدور .
ممالك اجنبیه ده سنه لکی (۱۷)، آلتی
آیلنی (۹) فرانقندر .

اداره خانه

باب عالی جاده سنده دائره مخصوصه

امطارات

آبونه بدلی پشیندر

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکشاف

۱۳۳۰

دینی، فلسفی، علمی، ادبی هفته لقی مجموعه اسلامیہ در .

والله يهدي من يشاء الى صراط مستقيم

باش محرر
محمد عاكف

صاحب و مدير
ع . اشرف اديب

بمعون اهدكم سبيل الرشاد

عدد ۳۲۵

۱۹ ربیع الاول ۱۳۳۳

پنجشنبه

۲۲ کانون ثانی ۱۳۳۰

جلد ۱۳

امطارات
رساله مزدن آلندیفی کوسترملک
شرطیله بتون یازیلر هر هانکی
بر غزته طرفندن اقتباس اولونه بیلدر .
§
مکتوبلرک امضالری واضح
و او قوناقلی اولسی و آبونه صره
نومروسنی محتوی بولونسی لازمدر .
§
ممالك اجنبیه ایچون آبونه اولانلرک
آدرس لرینک فرانسیزجه ده یازاسی
رجا اولنور .
§
پاره کوندرلدیکی زمان نه یه دایر اولد
یغناک و اضعا بیلدیرلمسی رجا اولنور .

اویله یا . قاراللق بر کیجه ده ، دوز بر چولک اورتاسنده کومه کومه یاقیلان آتشلر ، اک اوزاق یرلردن بیلکه کورونور و اوکومه لرك باشنده نه قدر آدام بولوندینی آشاغی یوقاری بر تخمین ایله آ کلاشیلیر . ا کر عمروین العاص ، منع ایتهمش اولسهیدی یاقیلاجق آتشل آیدینلندن مجاهدلرك آنجاق بش یوز کیشی اولدینغی دشمن آ کلار و ایرتهسی کون قورقوسزجه قارشى طورمایه قالقاردی .

لکن سردارک تدیری سایه سنده مقداری آ کلاشیلمايان اسلام عسکری ، صباحلاين شدتل بر هجوم یابدی و قوجه بر قبيله خلقی دارما داغین ایدوب بر چوق غنائم آلارق مدینه منوره یه دوندی . یاساق ماله سی ده رسول الله حضرتلرینه عرض ایدیلنجه عمروک حرکتی طرف پیغمبریدن تقدیر بویورولدی .

دیمک که بر اوردو افرادی ایچین قوماندانک امر ونهینه اعتراض ایله مک دکل ، تماميله اطاعت و تسلیمیت کوسته رمک لازم ایمش .

ظاهر المولوی

اتلاف مثله قارشی جهاد اسلام

— تبلیغات رسمیہ —

قافقاسیه :

۱۴ کانون ثانی : قافقاسیه ده یکیدن تعرضه کچن قطعاًتمز «اولی» استقامتنده ایله یله یه رک قارشولنده بولنان دشمنی طرد و بر مقدار تجهیزات حربیه اغتنام ایله یلر . روسلر رجعت ایدرکن دروننده بولنان مالزمنک الزه کچمه سی ایچون «نارمان» اسمنده کی روس کونئی یاقشلدور . § ۱۶ کانون ثانی : قافقاس جبهه سنده شایان بر اشعار بروقه ظهور ایتهمشدر . کچنده (اولی) استقامتنده تعرض ایدن قطعاًتمز روسلردن اوچ یوز اسیر ، برخیلی توفلک و تجهیزات حربیه آلدی . § ۲۰ کانون ثانی : قافقاس جبهه سنده بوکونلرده جریان ایدن موضعی مصادمه لر قطعاًتمز موقیتلریله نتیجه لشدر (اوتون) ده قطعاًتمز تعرض ایدن بردشمن مفرزه سی ضایعات عظیمه ایله بوسکورلش و قطعاًتمز طرفندن تعقیب اناسنده دشمنه بر چوق لوازم بر اقدیرلشدر .

أذربایجان :

۱۶ کانون ثانی : روسلرک (أذربایجان) داخلنده صرک التجلاهی اولان (خوی) قصبه سی جوارنده برهنته دبری دشمن قسم کلیسیله جریان ایدن محاربه ، لهزه دوام ایتکده در ۱۴۰ کانون ثانی ده اشبو قصبه جنوبنده دشمنک بر قاج خطدن مرکب مستحکم مواضعندن برنجی خطی قطعاًتمز طرفندن ضبط ایدلشدر . عراق :

۱۲ کانون ثانی کیجه سی (قورنه) جوارنده تل اورکولریله تحصن ایتش اولان ایکی طابور قوتنده کی دشمنه قارشى اوفن بر مفرزه مرکب اجرا ایله یکی باصقین حرکاتی موقیتله نتیجه لشدر دشمنه خیلی تلفات ویردیرلشدر . ایرتسی کونی غابوطاری حمایه سنده اوجوارده بر محله عسکر چیقارمه تشبث ایتشلر سده شکرار بوسکورتلشدر . بومصادمه ده دشمنک بر اقدینق مقتوللر میانده برانکایز یوزباشیسی و برکوچک ضابط بولنشدر . قره دکز :

دونمى عثمانی قاره دکزک ساحلنده کی بر روس موقع عسکرسی کانون ثانیکن اون بشنجی کونی موقیتله بومبارمان ایتشدر .

بلغارستان ورومانیاده کی فارلر مزه : سبیل الرشاد آ بونه بدلاتی فله ده بالقان اداره خانه سیه کوندرمکنز رجا اولنور .

اشرف ارباب

یاردیم ایسته دی . رسول الله افندی مزده ایکی یوز کیشیلک بر مفرزه یه (ابو عبیده) حضرتلرینی قوماندان تعیین ایله یه رک عمروک امدادینه یوللادی . بو ایکنجی مفرزه ایچنده (حضرت ابوبکر) (حضرت عمر) کی ایهابک بک بویوکاری واردی .

ابو عبیده ، عمروین العاصک قرارگاهنه کلوب برله شدی و نماز وقتی اولونجی ادای صلاة ایچین امام اولق ایسته دی . فقط عمرو ، درحال ممانعت ایتدی .

— سن ، یاردیم ایچین کلک . مادام که قوماندان بنم ، امام اولق ده بنم حقمدر . دیدی .

ابو عبیده حضرتلری ، اویصال بر ذات ایدی :

— رسول الله ، اختلاف چیقارمایک دییه بزه تنیه ایتدی . سن بکا اویماز سهک بن سکا اویارم . دیدی و عمروین العاصک آرقه سنده نماز قیلدی .

باقیلر سه ابو عبیده کی اک اول مسلمان اولانلردن و بدرده بولونوب جته کیده جکنه دائر مزده آلانلردن بر ذات ، علی الخصوص ابوبکر و عمر کی ایکی رکن اسلام طورورکن عمروک امام اولماسی یاقیشیق سز بر شیدی ، فقط قوماندان بولوندینی جهته عسکرک ربط وضبطی کندیسنه عا ندی . باشقه سنک امامته مساعدده ایتدیکی تقدیرده قوماندا خصوصنده کی صلاحیتنی آزالتمش اولاجقدی .

عسکرلکده قوماندانک وظیفه سنه کیسه نک مداخله ایده مه یه جکنی بک اعلى بیلیرسکز . نیته کیم ابوبکر الصدیق حضرتلری ده بونی تقدیر ایده رک عمروک ویردیکی بر امره مداخله ایتهمشدر . بافکیز ناصیل : عربستان چوللارنده کوندوزلری هوا نه قدر صیجاق اولور سه کیجه لری ده او درجه صوغوق اولور . خصوصیه عربلرک بک ده صوغوغه تحمللری اولمادیغندن آزیجق سهرینلک چیقار چیقماز نیتره مه یه باشلارلر .

ایشته عمروک معیتنده کی مجاهدلرده بویله سهرین بر کیجه ده اوشودیلر و ایشینمق ایچین آتش یاقق ایسته دیلر . عمرو ، آتش یاقیلماسی یاساق ایتدی و :

— هرکیم امریمی دیکله مزده یاقاجق اولور سه اونى یاقدینی آتشل ایچنه آتارم . دیدی .

شو یاساغک حکمتی آ کلاشیلما دینی ایچین عسکره معناسز کوروندی . کیدوب حضرت عمره شکایت ایتدیلر . او حضرت ده بردن بره پارلادی ،

— نه دیمک ؟ بو آدام ، بو قدر خلقی صوغوقدن اولدورمکی ایستور ؟ دییه سویله ندی . فقط یانی باشنده ابوبکر الصدیق حضرتلری :

— یا عمر ! رسول الله ، اونى بزه قوماندان تعیین ایتدی . قوماندانک ایشه قاریشیلماز . دییه رک جناب عمری صوصدیردی .

عجبا سردارک سبب منعی نه ایدی ؟ معیتنده کی عسکرک نه قدر اولدینغی دشمنه کشف ایتدیرمه مک ایچین آتش یاقدیرمامشدی .